

本书出版得到国家古籍整理出版专项经费资助

清代吏治史料

线装书局

官员管理史料 三六

清代吏治史料

线装书局



經筵講官少保兼太子太保保和殿大學士兼管吏部戶部尚書事加二級臣張廷玉等謹

題為給發文憑事該臣等議得貴州巡撫張廣泗咨稱麻哈州知州杜理奉文陞授浙江慶州府同知查該員任內有絞犯黎尚文于本年閏七月二十一日夜越獄脫逃尚未獲報現在查叅應否給憑赴任相應咨請部示等因前來查雍正七年八月內署理廣東巡撫印務傅泰以陞任萬州知州陸國柱原署吳川縣任內有盜犯關士貴等五名越獄脫逃已獲二名尚有三名未獲不便令其赴任經臣部議將陸國柱停其赴萬州新任仍留吳川縣與接緝官協同緝拿其疎防之慶俟題叅到日照例議處等因具題奉

旨依議欽遵在案今麻哈州知州杜理推陞浙江慶州府同知該撫既稱該員於麻哈州任內有絞犯黎尚文越獄脫逃尚未獲報等語應將杜理照陸柱之例停其赴浙江慶州府同知新任仍留麻哈州與接任官協同緝拿

其疏防之處應俟該撫題叅到日臣部照例議處恭候
命下臣部遵奉施行臣等未敢擅便謹
題請

旨雍正七年十一月十一日題本月十四日奉

旨依議

經筵講官少保兼太子太保和殿大學士管吏部戶部尚書事加二級臣
張廷玉等謹

題為秋汛已竣等事該臣等議得河東河道總督嵇爾毅疏稱豫東二省黃
河水勢消落工程穩固三家莊大灘之內自汕深渠埽壩俱現淤灘化為
平等因具奏奉

旨嵇爾毅著交部議叙其在工人員著嵇爾毅分別等次送部議叙欽此欽
遵 查雍正五年十月內原任總河齊蘇勒等恭報秋汛水勢平穩
一疏經臣部遵

旨議叙各准其加一級在案今河東總河嵇爾毅督率河員悉心防護秋汛平
穩河工保護完固永慶安瀾應將嵇爾毅照例准其加一級其在工人員
俟該督分別等次報部到日議叙可也恭候

命下臣部遵奉施行臣等未敢擅便謹

題請

旨雍正七年十一月初四日題本月十四日奉

旨松曾筠著加一級田文鏡提督河東河工事務雖非專責然年來與松曾
筠同寅協恭悉心料理是以堤工完固共慶安瀾田文鏡亦著加一級餘依
議

兵部尚書兼都察院右副都御史總督河南山東等處地方軍務督理營田兼理河道加八級臣田文鏡謹

題為試用知縣患病回籍調理事該臣看得試用人員必精力強壯方可量才委署且知縣有地方責任更非病軀所能辦理茲據署布政司事按察使陳世倌詳稱原署桐柏縣事試用知縣翁運標前因患病具呈委令祥符縣知縣劉湘親詣驗視翁運標委係染患吐血重病飲食少進四肢軟弱心腎不交漸成怔忡之症難以速痊併查明翁運標署理桐柏縣印務雖止三月有餘居官勤敏操守謹飭催科依法聽訟民服才具尚堪辦事應准其回籍調理俟病愈之日於原籍請咨赴補等情取結詳報前來臣覆查無異除結送部外謹題請

旨雍正七年十月初九日題十一月十四日奉

旨該部議奏

巡撫陝西等處地方贊理軍務兵部石侍郎兼都察院石副都御史世駿
二等阿達哈哈番加一級臣武格謹

題為州牧貪婪不法等事該臣查看得患病祈休之隴州知州羅彰彝秉性
貪婪罔知民瘼據布政使張廷棟等會詳據鳳翔府知府任晟以武生劉
大業等與羅彰彝互相訐控奉批提審審據羅彰彝於採買社倉穀石
並供支經過馬羸草束夫役及民壯城夫工食等項或短發價值或恣意
科派又收受行鋪豬羊白米折價銀兩復縱令差保各役從中扣短及家
人姚文收受行鋪銀兩以致武生劉大業歛錢訐告于前王亶聰等糾眾
折房子後似此貪劣雖經休致斷難姑容等情詳揭前來相應請

旨將羅彰彝革職以便與劉大業等歛錢糾眾並案內有名犯證一併嚴審究
擬臣謹會同署督臣查即阿合詞

題
奏伏祈

皇上睿鑒勅部議覆施行為此謹題請

旨雍正七年十月初六日題十一月十四日奉

旨這所叅羅彰彛著革職其貪婪各款及斂錢糾衆之劉大業等並本內有
名犯證該督一併嚴審究擬具奏該部知道

兵部尚書兼都察院右副都御史總督河南山東等處地方軍務督理營田兼理河道加八級臣田文鏡謹

題為特奏負

思藐法等事竊照知府職司表率自宜秉公持正端廉謹飭不貪取賄賂不抑勒屬員不顛倒是非庶為稱職濟南府知府金允彝由縣令蒙

皇上特恩超擢知府更宜感激

天恩力圖報効乃抵任以來重張放縱並不實心任事屢加嚴飭毫不知戒更且擅作威福日無法紀日甚一日或婪贓枉法或借端科派或抑勒屬員或縱容官役需索似此負

恩溺職之知府實難一刻姑容所當疏糾特奏請

旨將濟府知府金允彝濟南府司獄司林三槐革職署齊河縣事試用通判王國正解任同德平縣革職知縣袁舜裔及案內有名犯証嚴審究擬署德平縣安全義才且強幹實力任事雖被抑勒出結已據稟報司道

俱未揭報臣亦未及與署撫臣兵燾會稿謹題請

旨雍正七年十月二十六日題十一月十四日奉

旨金允彛前經塞楞額保薦朕觀其壯年才敏似可上進且係金鉷之親姪必知傾惜顏面勉為好官不負朕擢用之思是以授為濟南府知府乃伊在任恣意貪婪贓跡種種玩法負恩情由可惡金允彛林三槐俱著革職王國正著解任及本內有名犯證俱交與該撫一併嚴審定擬具奏金鉷現任廣西巡撫又與田文鏡同係漢軍而田文鏡毫無瞻徇據實糾叅甚屬可嘉金鉷以公正存心自應深恨伊姪之不肖而以田文鏡之叅劾為允當也凡督撫等于屬員之夙有嫌隙者每與以難於辦理或傾此失彼之事令其自罹于罪而叅慶隨之其跡似公名正言順而實以陰行其挾私報復之計此等陋習往往不免朕所悉知督撫中田文鏡李衛之叅劾屬員悉本至公毫不瞻顧如伊等之子姪親屬在外任者實遇貪婪不及防竊察叅外若該官上司或因公正督撫叅劾其親屬而暗圖報復巧為描畫以致陷于罪譴亦未可定此等背公營私之風朕所深惡倘有蹈襲此弊者經朕

訪聞定行嚴加議處着行令各省督撫等知之該部知道

盛京刑部侍郎降一級留任兼管署理奉天府府戶事務臣王朝恩謹

題為據揭

題 奏事竊照口外蒙古爭訟事件臣部每年創應派出司官二員前往口

外會審今雍正七年分循例派出員外郎四雅圖朝克圖二員前去會同
蒙古扎薩克審理事件臣因向日風聞司官出口往往不知檢束是以諄
諄面諭凡事秉公辦理不可徇私騷擾乃有員外郎朝克圖不守法紀貪
婪無忌今於十月初二日據員外郎四雅圖揭稱朝克圖得受土默特
教漢管下蒙古銀八十餘兩馬五匹我勸阻他朝克圖分給我銀二十九
兩一錢又給我家人銀八錢我再三不要朝克圖說我們同來的人你不
要可以賞人我隨分給兵役阿爾那等八人存貯朝克圖又招攬奸惡西
北班吉等夥同扎薩克管下蒙古將用印之紙偷出捏寫蒙古有身家
的人姓名借銀文約審追我細訊借銀人與保人俱不承認詰問班吉據
供土爾馬公在時他們借了我的四百兩銀子給我用印文約等語細驗印

約印紙舊的新字寫蓋印上隨問朝克圖答云以前正假你如何說得且我前年在巴圖公旗下追銀一千餘兩班吉都得了這事不要你管有我承當朝克圖于次日去會納木查公我不曾同去八月初九日我往寧古塔將軍處會審去後朝克圖又將巴牙思乎浪告稱有用印文約六百五十兩銀子借與巴圖公旗下人一件事會同台吉圖思圖審問我也不曾去扎薩克等俱知道朝克圖又將所得牛馬給我我不曾要我遂差領催巴尼說與納木查公副台吉圖思圖將此事送到十旗會審慶審理再朝克圖得受一件逃人的主兒哇拉銀十三兩逃人不行刺字又得受一件隱瞞逃人的爾濟圖銀二十兩新城居住人龍共五說合又一件審理爭告人口事得了一個蒙古小廝阿爾必記係強要西北夏扎的人一件為借欠事代卓武巴追銀三十兩朝克圖分受銀十五兩領催巴尼知道一件為爭人口牲畜事受杜爾伯特不知姓名台吉馬二匹轉給龍共五有書辦劉懷靈知道又為爭牲口事受查拉旗下台吉前達木馬三匹受西北巴濟馬三匹牛二頭衆人都知道等因前來據此查係據揭婪賊事

情臣一面調回朝克圖照例管守外相應據揭題叅請

旨將員外郎朝克圖革職以便提審寔情擬議具奏謹

題請

旨雍正七年十月初七日題十一月十四日奉

旨朕時時訓誡大小臣工務令秉公守法三令五申何等嚴切今朝克圖派往口外會審蒙古事件堂官王朝恩又復諄諄告誡不可徇私騷擾乃朝克圖貪污狼籍毫無顧忌在蒙古地方恣行不法此非尋常得贓可比顯係有心抗違朕旨欲撓亂國家澄清吏治之政甚屬可惡著將朝克圖革職拿問交與王朝恩嚴審定擬具奏部知道

署理廣東巡撫印務戶部右侍郎駐劄廣州府臣傅泰謹

題為請留能員在任守制以裨地方事該臣看得韶州府知府陳鴻熙有新

父原任翰林院侍讀學士陳璋於雍正七年七月十二日薨故請留於

雍正七年八月初八日在任聞訃例應丁憂現據布政使王士俊詳報前

來臣查韶州一府轄屬曲江等六縣非僻連江楚即峻嶺崇山商賈往來

兵民雜處必須敏練強幹之員方克勝任知府陳鴻熙才識敏達年富力

強久任粵東熟悉風土而且諳練關務慎重錢糧雖任韶未久諸事頗有

可觀今以丁憂去任甚屬可惜仰懇

聖恩俯准將陳鴻熙在任守制俾其趁此青年急公出力似於地方民生均有

裨益又查該員先已委辦雍正庚戌年下運銅斤除行布政司飭行陳鴻

熙暫免離任照舊辦事候

旨遵行以免交接耽延外陳鴻熙如蒙

皇上俞允准其在任守制似應照例給假今既有採辦銅斤毋庸給假合併聲

明除將原籍印結及會

題印結送部外臣謹會題請

旨雍正七年九月二十六日題十一月十五日奉

旨該部議奏